



CONSULTA PREALABLA SUS ERA APROBACION D'UA ORDENANÇA.

Nòm provisionau dera nòrma:

ORDENANÇA REGULADORA DETH PRÈTZ PUBLIC DETH SERVICI D'ATENÇION EN ENTORN DOMICILIARI D'ARAN

Antecedents dera nòrma:

Eth Conselh Generau d'Aran, d'acòrd damb er article 26.2 dera nomentada lei, "assumís, damb caractèr generau, era gestion ordinària dera Administracion dera Generalitat en territòri d'Aran" e compde damb un ample marc competenciau tath planejament, ordenacion e creacion de servicis (arts. 48 a 50), ben damb mieis pròpris o en tot compdar damb eth traspàs o delegacion de servicis per part dera Generalitat de Catalunya, en aguest sens er article 59 dera Lei d'Aran establís eth marc competenciau en ambit dels servicis sociaus:

1. Corresponen ath Conselh Generau d'Aran, d'acòrd damb era normativa e era planificacion dera Generalitat, es competéncias següentes en matèria d'accion sociau:

a) Era gestion des servicis sociaus d'atencion primària.

b) Era gestion des servicis sociaus especializadi, incluididi es adreçadi ara gent grana, ara mainadèra e as personas en situacion de dependéncia o damb discapacitat, e era avaloracion d'aguesti servicis segontes es critèris establidi pera Generalitat.

c) Eth foment des centres ocupacionaus tàs personas damb discapacitat.

2. En atencion ara complexitat dera matèria e ar hèt qu'eth sistèma aranés de servicis sociaus forme part deth sistèma catalan de servicis sociaus, s'an d'exercir de manèra compartida entre eth Conselh Generau d'Aran e era Generalitat, d'acòrd damb era legislacion dera Generalitat, es competéncias següentes:

a) Es relatives as ambits establidi pera Lei 12/2007, d'11 d'octobre, de Servicis Sociaus e tath desplegament dera cartèra de servicis sociaus.

b) Es servicis sociaus de besonh entara aplicacion dera Lei der Estat 39/2006, deth 14 de deseme, de Promocion dera Autonomia Personau e Atencion as personas en situacion de dependéncia.

3. Eth Conselh Generau d'Aran a de participar ena gestion des recorsi economics dera Generalitat destinadi ara accion sociau, que s'an d'incrementar de manèra proporcionau ar increment des sues competéncias en aguesta matèria, d'acòrd damb eth principi de suficiéncia financèra e damb çò que determine eth títol VI sus eth finançament deth Conselh Generau d'Aran.

Totun açò eth Servicì Aranés de Benèster e Salut, a traucers d'Aran Salut, ei er organ public encargat de desplegar es politiques sociau e de salut que li encargue eth Conselh Generau d'Aran, qu'actuaument desvolope eth pròpri modèl d'atencion integrada sociau e sanitària.

D'un aute costat, era Lei 12/2007, d'11 d'octobre, de Servicis Sociaus, qu'ordene eth Sistèma



Català de Servicis Sociaus. Enes articles 16.2 e 17.i, s'establís qu'es servicis sociaus basics d'atencion primària an encomanada era prestacion e era gestion des servicis d'atencion domiciliària e teleassisténcia, entre d'autes.

Era Lei 39/2006, de 14 de deseme, de Promocion dera Autonomia Personau e Atencion as persones en situacion de dependéncia, establís tanben en sòn article 12 qu'es entitats locaus participaràn enes servicis d'atencion as persones en situacion de dependéncia.

Era Lei 7/1985, reguladora des Bases de Regim Locau estatau, enes sòns arts. 25.2 k e 26.1 c, e eth Decret Legislatiu 2/2003, de 28 d'abriu, peth quau s'apròve eth Tèxte Rehonut dera Lei municipau e de regim locau, enes sòns articles 66.3 k) e 67 c), establissen, entre d'autes competéncies municipaus, era obligacion des municipis damb populacion de mès de 20.000 abitants d'assumir era prestacion de servicis sociaus. Per çò que hè as de caractèr basic, er article 31.2 dera nomentada Lei 12/2007, d'11 d'octobre determine qu'es comarques suplissen as municipis de mens de vint mil abitants ena titularitat de les competéncies pròpies des servicis sociaus basics qu'aguesti municipis non siguen en condicions d'assumir directament o mancomunadament.

Eth SAED ei un esturment basic des politiques deth govèrn d'Aran d'atencion as persones, que dan supòrt ara autonomia foncionau des persones e familhes, en tot garantir eth dret a víuer en entorn social e ena pròpria casa e constituís tanben un esturment privilegiat tà aufrir supòrt educatiu, preventiu e assistenciau as familhes en situacion de mès vulnerabilitat.

Des der an 2022, s'amie a tèrme aguest servici en modalitat de pròva pilòt, e dempús d'aguest temps de pròva, cau normativizar e aprovar eth reglament de foncionament deth servici.

En data 8 de noveme de 2024, eth Plen deth Conselh Generau d'Aran apròve eth Reglament des prestacions deth servici d'atencion en entorn domiciliari d'aran (SAED), que se publique integrament en BOP num. 18 de 28 de gèr de 2025, e se publique en DOGC 9343, de 4 de hereuèr de 2025 ua insercion de referéncia.

En aguest reglament dejà se preveiguie era possibilitat der establiment a posteriori d'un prètz public en forma de copagament, entà finançar aguest servici.

PROBLÈMES QUE SE PRETENEN SOLUCIONAR DAMB ERA APROBACION D'AGUEST REGLAMENT.

Un còp regulat er accés e era prestacion d'aguest servici, e analizat eth foncionament deth madeish, cau garantir-ne era viabilitat economica deth madeish, en tot establir un prètz public qu'establisque ues quantitats a pagar pes usatgèrs en concèpte de copagament deth servici.

BESONH E OPORTUNITAT DERA SUA APROBACION.

Era Lei 39/2015, d'1 d'octobre, deth Procediment Administratiu Comun des Administracions Publicas e era Lei 40/2015, d'1 d'octobre, de Regim Juridic deth Sector Public, a mès d'enfortir era participacion des ciutadans ena elaboracion des nòrmes, impause, laguens deth procediment d'elaboracion de normativa, era avaloracion "ex-pòst" des nòrmes, en tot impausar era obligacion dera avaloracion periodica damb era fin de comprovar eth compliment des objectius que se



persegüissen e era adequacion as objectius actuaus.

Dempús d'uns ans de foncionament d'aguest servici de forma gratuita, e dat qu'eth servici que s'amie a tèrme a d'estar avalorat pes usatgèrs, ei de besonh establir un copagament que permeterà, se s'escatz, amielhorar encara mès era prestacion d'aguest servicis.

OBJECTIUS DERA ORDENANÇA.

Dispausar d'ua ordenança que permete establir un copagament as usatgèrs, establint un prètz/ora peth servici.

POSSIBLES SOLUCIONS ALTERNATIVES REGULADORES E NON REGULADORES

Non se contempen autes possibles solucions alternatives reguladores que non siguen regulades en aguesta ordenança.

DATA FIN DERA CONSULTA PUBLICA

20 dies naturaus a comptar dera publicacion dera consulta ena sedença eletronica deth Conselh Generau d'Aran.

Directora des Servicis Sociaus d'Aran